

Guangjisi Minzcu Bau

ganhhau: CN45-0036 B.2018 Nd.9 Ng.26 liggaueq fouhswt nienz ndwenbet cibcaet

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3343期

Gyanghcouh Gih Ok Ceksaw Gyoebbien Mingzdeih Vahcuengh

《江州区城镇农村居民点壮语地名汇编》出版

《Saw Gyoebbien Mingzdeih Vahcuengh Dieg Vunz Youq Lajmbanj Hawsingz Gyanghcouh Gih》mboengq-neix cingqsik oksaw, neix dwg gij gyoebcomz swlhliu vwnzyen Cungzcoj Si Gyanghcouh Gih bouh daih'it hidungj cienzmienh yenzgiu, gaisau mingzdeih Vahcuengh dieg vunz youq lajmbanj hawsingz, doiq fatyengz gij vwnzva conzdungj maenhndei Gyanghcouh Gih, coicaenh vwnzva Cungzcoj hwngfat hoenghvuengh gig miz yihi gaenxmaenx.

Bouxcuengh dwg aen minzcu vwnznoix guek raeuz gyauejvunz cei lai, miz lizsij gyaeraez caeuq vwnzva ronghwenq, mingzdeih yungh Vahcuengh ancoh gig miz vwnzva neihanz

fungfouq, fanjwngq le gij lizsij faenbouh, daegdiemj ngeixnaemj caeuq guh hong fuengsik beksingq Bouxcuengh, dwg gij geiqhauh Bouxcuengh daj ciuhgeq daeuj youq giz neix, gajcauh swhyienz, cauh vwnzmingz. Daengz seizneix, Gyanghcouh Gih lij baujlouz 1000 lai aen mingzdeih Vahcuengh dieg vunz youq. Vih hawj gyoengqvunz lai roxyiuj gyoengqvunz Bouxcuengh Gyanghcouh Gih sengsanj daihlaeng, goekgaen senj dieg, bi 2013 doxdaeuj, Gyanghcouh Gih cingj lauxhangz bae yanghcin, mbanj, doenggvaq hai hoihnaenghdamz, hauej ranz cam cunz, cazyawj swlhliu daengj hingzsiq, roxyiuj mingzdeih laizyouz, doegyaem dang-

dieg, fungsug sibgvenq beksingq daengj cingzgvang, soucomz, cingileix mingzdeih caemhcaiq yungh Sawcuengh guh biumingz, youq bi 2017 cingileix bien ok ceksaw 《Saw Gyoebbien Mingzdeih Vahcuengh Dieg Vunz Youq Lajmbanj Hawsingz Gyanghcouh Gih》. Cek saw neix souloeg le ca mbouj geijlai 1000 aen mingzdeih Vahcuengh dieg vunz youq lajmbanj hawsingz Gyanghcouh Gih, moix aen mingzdeih Vahcuengh cungj geiq gij laizyouz lizsij, gojgaeq, doxgaiq deihleix daengj neiyungz, moix aen mingzdeih Vahcuengh cungj biumingz Vahgun gyoepyaem, gozci yaembiu(doegyaem dangdieg) caeuq Sawcuengh.

(Veiz Veighen)



Lungzswng: Minzsuz Lai Yiengh Hoh Seizcou Dajsou

龙胜:多彩民俗庆秋收

Ndwen 9 ngoenz 23 dwg coufaen, hix dwg gaiq nduj ciet fungsou bouxguhnaz Cungguk. Aen hozdung Lungzswng Gak Cuz Swciyen gaiq nduj ciet fungsou bouxguhnaz Cungguk nem ciet vwnzva lijyouz seizcou Lungzciz youq Lungzciz Cin Siujcai Cunh banh, beixnuengx Yauzcuz doxcomz giz ndeu, haiguh "gingq cou", "dak cou", langhbaiz dinfwngz guh buhvaq Hungzyauz, minzsuz cunzyouz daengj daegsaek hozdung, angqhoh fungsou. Ndaw doz dwg geij baux mehmwbk Hungzyauz cingq dak doxgaiq.

(Banh Cisiengz/潘志祥 ingj)

Dasinh: Densangh Fugsah Bangrenz Cinjing Banggunz

大新:电商服务助力精准扶贫

Bineix daeuj, Dasinh Yen dawz hwngfat lajmbanj densangh fugsah dangguh gij fwngzgaem youqgaenj caeuq saenqsikvaq banggunz vunqsik, gaenxmaenx sonyinx caeuq gujli buek vunzcaiz lajmbanj rox dinfwngz rox ginghyingz ndeu hwngfat lajmbanj densangh, bangdoi lajmbanj ginghci hoenghvuengh caeuq hengzguh lajmbanj saenqhwnz canloz.

Aen yienh neix ciengj ca "vangjdoxlienx + " hwngfat seizgeiz, dawz denswj sanghvu hauej lajmbanj dangguh banhfap youqgaenj vut gunz gunggeng, yungh hwnjguh aen yienh guhyiengh denswj sanghvu hauej

lajmbanj guh fwngzgaem, genhciz gij fuengcim ceijyinx guhhong "cwngefuz dazyinx, giyez cawjdaej, hawciengz dazyiengq", yungh lai cungj banhfap, haenqrenz doidoengh, daengx yienh hong denswj sanghvu yienh'ok gij yiengh hwngfat ndei.

Aen yienh neix lij cungfaen fatok giindei swhyienz, gaenxmaenx damqra diuzroen densangh cinjing vut gunz. Gujli conzdungj giyez cienjhingz, cauhlaeb vangjsangh giyez yienghmoq, bouxcoz dauq ranz haenx gaenxmaenx haibanh vangjden, doengzseiz, yungh 48 aen mbanjungzhoj caeuq daengcungqranzungzhoj laeb dangjan laeb

gaj haenx guh cungdenj, gaenxmaenx haiguh son'gyauq denswj sanghvu cauhnieb. Seizneix, laeb le aen suen denswj sanghvu cauhnieb ndeu; gaenq hwnjguh camh fugsah cunghab denswj sanghvu lajmbanj 104 aen, ndawde 25 aen diemj fugsah youq mbanjungzhoj, daengx yienh gyoeksuenq son'gyauq densangh soqvunz 5699 baux, ndawde ranzungzhoj laeb dangjan laeb gaj 3197 baux, gihbwnj guhbaenz le lajmbanj densangh fugsah dihi caeuq densangh vuzliuz fugsah dihi yienh miz suen cauhnieb, yanghcin miz camh fugsah, mbanj miz dieg fugsah haenx.

(Liengz Gveivah)

SIUSIK DINJ

简讯

● Geij bi neix daeuj, Sanhgyangh Duncuz Swciyen haenqrenz doicaenh hwnjguh bangfuz "suennaz iq", doenggvaq riuzcienj diegnamh, nungz lij doxyungz, dinghdan bangfuz daengj banhfap, youq henzyawj dieg ancieq senj ranz bangfuz hwnjguh dieg "suennaz iq" ndaem mak byaek, hawj ranzungzhoj senj daeuj haenx youq bakdou ranz couhnieb, yinx bauxhek daeuj daejniemh youzcet, bangrenz ranz senj daeuj youq haenx onjdingh ndaej laisou vut gunz.

(Gungh Bujangh)

● Geij bi neix daeuj, Yungzanh Yen giethab diegbya dangdieg sonyinx vunzlai gungzhoj hwngfat ndaem gosangh ciengx nonsei, doenggvaq "gungh-swh + gihi + hozcozse + ranzungzhoj" ginghyingz vunqsik, gunghsw hcaeuq ranzungzhoj ciemdingh baujgyaq soucawx habdoengz, baujmaenh bouxguhnaz miz souhauej onjdingh, coicaenh vunzlai gungzhoj laisou baenz miz, saedyienh vut gunz.

(Danz Gajhingh)

● Ndwen 9 ngoenz 20, Denhdwngj Yen Vwnzmingzban, Gungcinghdonz Denhdwngj Yen Veijyenzei daengj danhvei, cujciz bouxgagnyienh, bouxsimndei ndawbiengz bae aen hagdangz daegbied gyauej aen yienh neix haiguh bi 2018 Denhdwngj Yen "cingz raeuj bet nyied cibngux • gagnyienh caemh byaij" gvansim lwgnyez daegbied gagnyienh fugsah hozdung, soengq gij hohfuk bae hawj gyoengq lwgnyez.

(Loz Genbingz)

Daengq Beixnuengx

小启

Aenvih cietguekgingq cuengqgyaj, ndwen 10 ngoenz 3 bauqceij mbouj ok lo. Hoh gyoengq beixnuengx ngoenzciet angqyangz, gwn van youq ndei!